

神仙感遇傳卷之三

卷七

廣成先生杜光良墓

御史姚生

御史姚生夫其名鄭州刺史鄭惟敏云姚能官居于蒲之左邑有子一人外甥二人各一姓年皆及壯而頑駑不肖姚之子稍長於二甥姚怪其不學日以誨責而息遊不悛遂於條山之陽結茅以居之兼絕外事得專藝學林壑重深蓬塵不到將道之日姚戒之曰每時季試汝之所能學有不進必搜捷及汝汝各宜勉焉及到山中二子曾不開卷而但橫斷塗學為務居數月其長謂二人曰試期至矣汝曹都不省書吾為汝懼二子曾不介意其長學讀甚勤一夕半夜臨燭凭几披書之際覺所衣裘後揭為物所牽襟領漸下亦不知異徐引而襲焉俄頃復爾如是數四遂迴視之見一小狍藉裘而伏色甚潔白光潤如玉因以壁書界方擊之狍聲駭而走遽呼二子秉燭索于堂中牖戶甚密周視無隙而莫知狍所往明日有蒼頭騎扣門揖榮而入

謂三人曰夫人問訊昨夜嬰兒無知誤入君衣裾殊以為憾然君擊之過傷本則平矣君勿為慮三人俱避詞謝之相視莫測其故少頃向來騎僮復至兼抱持所傷之兒并乳櫛數人衣裾皆綺紵製造精麗非尋常所見復傳夫人語云小兒無恙故以相示過而觀之自肩至鼻端如丹鍊焉則界方所擊之跡也三子愈恐使者及乳櫛皆甘言慰安之又云少頃夫人自來言訖而去三子悉欲潛去避之惶惑未決有蒼頭及紫衣宮監數十人奔彼而至前施屏帷細席炳煖香氣殊異旋見一油簾車青牛丹轂其疾如風實為數百前後導從及門下車則夫人也三人趨出再拜夫人微笑曰不意小兒至此君昨所傷亦不至甚恐為君憂故來相慰耳夫人年可三十許風姿閑整俯仰如神亦不知何人也問三子曰有家室未三子皆以未對夫人曰吾有三女殊姿淑德可以配三君子三子拜謝夫人因留不去為三子各創一院指顧之間畫堂延閣造雲而具翌日有輜軒至焉蒼從環

麗逾於威里車服炫晃流光照地香滿山谷三女自車而下皆年十七八夫人引三女昇堂又延三子就座酒餚珍備果實豐衍非常世所有多未之識三子殊不自意夫人指三女曰各以配君子避席拜謝復有送女數十人若神仙焉是夕合卺夫人謂三子曰人之所重者生也所欲者貴也但百日不絕於人今君長生度世位極人臣三子復謝但以愚昧杆格為憂夫人曰君勿憂夫人乃勅地上主者令召孔宣父須臾宣父具冠劍而至夫人端立微勞問之謂曰吾三壻欲學君其導之宣父及命三子指六籍為目以示之莫不了然解悟大義悉通咸若素習既而宣父謝去夫人又命周尚父示以玄女兵符玉璜秘訣三子又得之無遺復坐舉言則皆文樂公主達上僊書言勉之國命暫屈高標至京親貴候謁寒溫之外不交一言授太子賓客封國公及還山勅翰林學士賦詩送之

荆州詔石

荆州利水間有二石若門名曰詔石晉永和

中有二飛仙衣冠若雪各懸一石之上旬日方去居人咸共見之也

### 曹橋潘尊師

杭州曹橋福業觀有潘尊師者其貌矍鑠足虛襟大度延接賓客功行濟人一旦有少年容狀味俊異於常人詣觀告潘曰其遠聆尊師德義極人急難甚欲求託師院後竹徑中茅齋內寄止兩月以避危難可乎或垂見許勿以負累為憂勿以食饌為慮只請酒二斗可支六十日矣潘雖不測其來聞欲逃難欣然許之少年遂匿於茅齋中亦無人追訪之亦不飲不食六十日既滿再拜致謝焉從容問潘曰尊師曾佩授符錄乎潘云所受已及洞玄中盟矣但未敢參進上法耳少年曰師之所受品位已高然某曾受正一九州社令錄一階以冒奉傳以申報答耳即焚香於天尊前傳社令名字及靈官將吏隨所呼召兵士騎乘應時皆至既畢今之曰傳授之後隨逐尊師管衛召命與今無異由是兵士方隱又謂潘曰可於中堂壘牀為壇設案几焚香恭

坐九州內外吉凶之事靡不知也但勿以掌血為犯苟或違之冥必有譴若精潔守慎可致長生神仙矣言訖隱去不知所之潘即設榻隱几坐於中堂須臾四海之內事無巨細一一知之如是旬日為靈官傳報頗其詭胎潘勃然曰我聞人也四遠之事何須知之嚴約靈官不使傳報答曰職司不宜曠關所報益多約之不已潘乃食肉啗絲以却之三五日所報之聲漸遠靈官不復至以亡一夕少年來曰吾輕傳真訣以懼譴責師犯汚其靈罪當冥考念以前來相容之恩不可坐觀貽貽別受一術廣行陰功救人疾苦用贖前過不爾當墮於幽獄矣潘自嚼葷食之後自知已失及聞斯說憂懼異常少年乃取米屑和之為人形長四五寸置於壁竇中又授玉符兩道戒潘曰民有疾苦危難來求救者當問粉人以知災崇源本然以吾符救之勿取緡錢務在積功贖過耳動行不替十年後我當復來自是潘以朱篆救人祛災蠲疾赴之者如市十餘年年少復至淹留逾月多話諸

天方外之事然後別去歲餘潘乃無疾而終疑其得尸解之道也

### 相國盧鈞

相國盧鈞進士射策為尚書郎以疾求出為均州刺史到郡疾稍加羸瘠而耐見人常於郡後山齋養性獨處左右接侍亦皆遠去非公召莫敢前也忽有一人衣飾故弊踰垣而入公詰之云姓王問其自云山中來公笑而謂之曰即王山人也此來何以相教王曰公之高貴位極人臣而壽不永災運方除由是有沉綿之疾故相救耳山齋無水公欲召人力取湯茶之屬王止之以腰巾蘸於井中解丹一粒按腰巾之水以咽丹與約曰此後五日疾當已康愈倍常復三年當有大危勦立陰功救人憫物為意此時當再來相遇在夏之初也自是盧公疾愈旬日平復明年解印還京署鹽鐵判官夏四月於本務東門道左忽見山人尋至盧宅喜而言曰君今年第二限終為災極重以君在郡去年雪冤獄活三人之命災已息矣只此月內三五日不康已

固無憂也。翌日山人使二僕持錢十千於狗脊坡分施貧病而已。自後復去云二十三年五月五日午時可令一道士於萬山頂相候。此時君即刺漢上當有丹華相授勿愆期也。自吳公歷任清切便蕃貴重而後出鎮漢南

之明年已二十三年矣。及期命道士牛知微五日午時登萬山之頂。山人在焉。以金丹二粒使知微吞之。謂曰子有道氣而無陰功。未契道品。勤更宜修也。以金丹十粒授於公曰。當享上壽無怠。修鍊世限既畢。行還蓬宮矣。與知微相辨別。忽不復見。其後知微年八十餘。狀貌常如三十許。盧公年僅九十耳。目聰明氣力不衰。既終之後。異香盈室也。

李公佐

李公佐舉進士後為鍾陵從事。有僕夫自布衣執役。勤瘁晝夕。恭謹迨三十年。公佐不知其異人也。一旦告去。留詩一章。其辭曰。我有衣中珠。不嫌衣上塵。我有長生理。不厭有生身。江南神仙窟。吾當混其真。不嫌市井諠。來救人間人。公賦子跡已往。注云蘇能是也。顯家

事可親。公佐字顯家。莫言東海。變天地有長春。自是而去。出門不知所之。隣里見其距離凌空而去。

王子芝

王子芝字仙苗。自云河南緱氏人。常遊京洛間。耆老云五十年來見之。狀貌恒如四十許。莫知其甲子也。好養氣。而嗜酒。故蒲帥瑯琊公重盈作鎮之初。年仙苗屆于紫極宮。王令待之甚厚。又聞其嗜酒。曰以二榼餉之。問曰仙苗因出遇一樵者。荷擔於宮門。貌非常也。意甚異焉。因市其新厚。償厥價。樵者得金亦不讓而去。子芝令人躡其後。以問之。樵者徑趨酒肆。盡飲酒以歸。他日復來。謂子芝曰。是酒佳。即佳矣。然殊不及解縣石氏之醞也。余適自彼來。恨向者無侶。不果盡於斟酌。子芝

因降階執手。與之擁鑪。祈於樵者曰。石氏芳醞。可致不樵者歎之。因丹筆書符一置於大上。烟未絕。有小豎立于所樵者。勅之。爾領尊師之僕。挈此二榼。第往石家取酒。吾待與尊師一醉。時既昏。夜門已扃。禁小豎謂子芝僕

曰。可閉目。因搭其頭。人與酒壺。借出自門。隱已及解縣。買酒而還。因與子芝共傾。為其甘醇。郁烈。非世所傳。中宵樵者謂子芝曰。子已醉矣。余召一客伴。子飲可乎。子芝曰。可復書一朱符。置火上。瞬息間。聞異香。滿室有一人

甚。堂堂美鬢。眉紫袍。乘簡。揖坐。樵曰。而坐引。滿而。巡二壺。且掖樵者。燒一鐵筋。以煖紫衣者。云子可去時。東方明矣。遂各執別。樵者因謂子芝曰。識向來人否。少頃。可造河濱。廟睹之子。芝送樵者。說因過廟。所親夜來共飲者。延神耳。鐵筋之驗。宛然。趙均郎中時在奉府。自驗此事。私文館。校書郎蘇枕。亦寓於中。條甚。孰蹤跡。其後子芝再遇樵仙。別傳修鍊之訣。且為地仙矣。

何亮

何亮者。商山東除驛。廳子也。執役二十年。堂謙謹。自持不敢違。忽一日。寒其雨雪。交至。道絕。行旅有一道士。冒雨而至。衣裝皆濕。屣諸諸店。皆閉門。不容亮見。而哀之。延就驛廊下。熾火設食。以待之一夕。而行去。將躡躡曰



荷君此恩不可無報因臺中取丹一粒吞之謂曰大期內可以無疾矣言訖而去何亮年已四十餘自此筋力愈充無復疾苦訖得初年九十餘矣狀貌四十歲齒髮不衰信都先生馮君消嘗召問其事遠近之人亦具道之余得此說於信都先生焉

### 薛長官

薛長官者嘗與友人李生自京師同志訪道周遊名山數年未有所遇而薛南入五嶺言隱羅浮其志彌篤李生中道而輟復歸京師遊宦不偶年迫暮與薛相別三十餘年交親益疎骨肉淪喪晚歲杖策詣羅浮訪之果與薛相見薛極止且久道街既成風姿秀穎肌若水玉山中華軒層閣風亭月榭迥非人世所有見李容狀枯瘁深所憫惻謂之曰子雖欲栖息於此然終不可久駐因以金寶厚拯之命女妓酣宴以餞之將行顧見其齒俱缺問其故云前因弄毬子所損收繫在衣帶中取而窺之今女妓刮去垢汚薛以小刀子割其缺處復安二齒而道之戒以不語及達

山下齒已穿矣自是十餘年生諸齒皆朽落所安者宛而不動容師張公自給事中出鎮茲鎮歲餘病瘴瘵累月彌甚公就尚釋民衆有符藥或言有効者皆不見信骨肉將吏深以為憂副使信都先生馮君密謂公之親吏曰羅浮薛長官深有道術拯人疾苦遠近賴之可使一介持信以求其救也由是命使訪之果得其居處薛聞而哀焉謂使者曰謝張公遠道方物山中無紙筆不復寓書所疾無以為憂使至之後可掃灑庭宇潔齋三日自當有應如其言既至三日一宅間異香氣亦無所有而張公瘳矣復使人齎信幣入山致謝使者迷失舊路竟不知其處所此蓋地仙之傳也余亦於信都先生得之矣

### 神仙感遇傳卷之三

### 神仙感遇傳卷之四

廣成先生杜元庭纂

### 謝瑤

謝瑤者蜀川人也幼而好道嘗與三人同志約為弟兄同遊諸山博採方術因相與於峨眉山門誓曰此山神仙所居必有求道之所我等三人於此相別各入一谷中隨所投詣看有見遇否訖分行瑤入木皮谷約五六里逢四老人會坐巨石之上前有大盤烹肉共食之次召瑤令坐拚令食肉瑤告之曰某志神仙之道遊歷名山久絕葷血非敢齋妄矣老人喜曰子既求道但入此谷當有所遇瑤即詣谷中行數十里見有臺閣華盛迥非人世所居入門有道士數人問其何以至此其以所至啓之一人熟視瑤良久引至大殿之上像設儼然天尊前有經書委積案几此人令瑤閉目信手探取一卷因即授之曰此文大冢也行之可以長生度世可以積功救人此非汝久居之處便可去矣瑤辭道流待經出山却至谷口宿於民家有小兒隨沸湯